

"Cando arrivat s'ora"

Poesia di Peppino Marotto

Orgosolo 01.01.2004

*A sa fine 'e su duamizatrese
cando pariat tottu a su normale
pustis de pagas dies de Ospidale
Giuanne Antoni, andadu ti che sese;*

*cale siat sa causa 'e su mole
chi d'improvvisu, t'ha postu a dormire
non si resessit propriu a l'ischire
cuss'arrivu de su sonnu mortale ;*

*chere narrer: chi s'ora 'e la finire
fit arrivada e bi cheret passenzia,
ca tenet una fine s'esistenza
si morit- e b'ha pagu ite fuire;*

*fis serenu, leale, umile e francu
amante de sa vida e de sa zente
cari tundu, serenu e sorridente
attivu, premurosù e mai istancu;*

*ha sempere tribagliadu onestamente
de Bidello, Massaju e Muradore,
t'has fattu domo e ti has fattu onore
pesande una famiglia intelligente;*

*unu tempus istadu a malumore
ses, pro culpa de sa depressione
e tinde sese andadu in pensione
ma già ti l'ha curada su Dottore;*

*prò settantasesannos, s'amighenzia
mai tra nois est bennida mancu,
cun s'ideale, sempere a fiancu
sollevande s'umana suffererenzia;*

*e torrada es normale sa persone;
allegru, chi parias una prella
zirande cun sa mottocarrozzella
sempere a riffa e raffa in s'istradone:
abortas, fit unu pagu repella
ma non cherias ponner passu a pè
falaias currende a Navruschè
pro coltivare, s'azienda bella:*

*che cuddu antigu famosu Mosè
faghias ortu e binza e cunzadu
da sa cara Angeledda accumpanzadu
de cussa zona, parias su Rè...:*

*e l'ha lassadu bene coltivadu
cussu possessu, a fizo e Muzere
chi de las bider faghet piaghene
sas piantas, de fruttu prelibadu;*

*chi mancadu lis è s'umile mere
giamadu Ispadolini, pro s'istoria;
pro cussu raru istintu 'e sa memoria
e pro s'umanu sensu 'e su dovere;*

como riposat in s'eterna gloria.

Peppinu Marotto

A s'istimada e addolorada famiglia de su biadu 'e su cumpanzu G. A. Brotzu